

T 3205 / 4139.83

8

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 5 1938

重修桃源縣志卷之八

哈佛大學漢和
圖書館珍藏印

人物志

選舉

鄉賢

烈女

仙釋

壽考

古以立德立功立言為三不朽謂其足以扶翼
綱常而乾坤道泰也謂其足以紹續聖賢而仁
義性尊也故生則懿譽播於時歿則高風揚於
後齒頰誦以流芬觚翰書而有耀桃創治於宋
金末季自茲而上即有雄材偉度大都游移影
響不可確指疑信叅存而已元明以降於世為
近雖其間掇科擢甲者數不多人而要能朝樹

茂勲家敦彞敘讀書勵行發爲文章卓卓可傳
以庶幾乎古人不朽之業者亦美不勝書此載
筆命簡錄舊增新股然願與人士爲策勉也至
其操苦之孀耄期之享與山林逸彥僑寄名流
皆以類編又見禮讓之鄉貞白之俗由來已久
食舊德而服先疇尤當鼓舞於不倦者已立人
物志

選舉

古有俊士選士進士之典卽今拔於庠入於監
舉於鄉成於禮部是也桃自明季以來二百餘
年其間困躓昏墊士氣未伸今

上龍飛開榜始預鹿鳴之宴文風駸駸日上至明經
歲薦特拔覺英雖例從定額而壁沼蜚聲亦於
文章政事並有厚期且馳驟風雲茲地舊多羆
虎登壇運幄此際寧乏傑材總標其凡以彰作
人之化志選舉

進士

元

朱顯

明

胡思忠 嘉靖己丑科

朱笈 嘉靖丁未科

舉人

明

雲衢 永樂癸卯科

劉聰 永樂癸卯科

王淵 景泰癸酉科

劉鎮 天順己卯科

胡思忠 正德己卯科

朱笈 嘉靖癸卯科

皇清

乾隆元年丙辰

恩科

胡禮全

貢士

明

袁岳

陳昭

石隱

丁衡

孫坪 詳仕蹟

宮準 詳仕蹟

王醇 詳仕蹟

王恕 詳仕蹟

唐福

劉瑾

畢瑗 知縣

盧敏 詳仕蹟

唐坤

畢昌

朱珏

趙琇

唐珉

吳勝 詳德義

以上洪武年

張觀 主簿

孫讓

倪瑾

張孚 縣丞

于駟 州判

韋經 布政司經歷

李義

李瓔 工正

王軌

李敘古 知縣

車瑜

陳復 主簿

平端

陳藝 主簿

邵瑛 知縣

以上永樂年

陳容

知事

陳誠

訓導

尤璉

山東肥城縣知縣

周安

訓導

陳琦

縣丞

雲寬

詳鄉賢

以上宣德年

陳鼐

知縣

趙昕

衛經歷

姜英

陳瑛

副兵馬司

于健

知縣

金榮

衛經歷

周舉

以上正統年

徐恭

萬慶

楊俊

莊淮

訓導

呂瓚

知縣

張彪

衛經歷

成林

知縣

高明

縣丞

以上景泰年

盧海

州判

張晨

府判

朱顯

縣丞

李薇

以上天順年

張經 知縣

郜敬 王府教授

尤繼良 山陰縣丞

尤盛 府知事

許仁

陳鏞

盧梅 見仕績

以上成化年

朱賓 訓導

張浦 州判

李鐸 布政司經歷

張誠

張謙 主簿

陳鑑 主簿

丁榮

張昂 副兵馬司

尤世隆 衛經歷

張瑄

張寅 見仕績

胡瑛 宛平主簿 即思忠父

以上弘治年

許儒

董睿 府經歷

陳道 州吏目

胡金 見仕績

張縉

嵇禮

尤德 壽州訓導

吳士廉

劉楫

夏時興 見仕績

胡志良 江西臨江府清江縣知縣

以上正德年

明通

邵奎

張繡

馬國賓

阮芳

徐元

胡士廉

戴鱗

周德新

袁綸

胡珙

朱仁 詳鄉賢

朱信

蔡鸞

田欽

張官

胡奇

見仕績府志作明

劉勤

葛繼熊

許維翰

夏元春

胡志辰

呂元麟

張楠

卞雲祥

朱州

吳文獻

見仕績

劉萬鎰

沈嘉會

任沂水縣教諭署縣事

以上嘉靖年

邢文

李果

葛伯才

于溥

以上隆慶年

儲養蒙

邱之麇

衛訓導

夏方應

王九思

英山訓導轉
郴州學正

葛伯勤

劉可教

縣丞

胡惟艮

朱德禎

南漳縣丞
思忠子

張學文

胡惟觀

壺關縣知
縣思忠子

田有恒

宋德重

四川樂至
縣知縣

教諭

陳東魯

朱德浚

杞縣
訓導

訓導

史言

卜大成

歙縣
訓導

鳳陽府
訓導

劉栢年

張憲光

四川成都
府經歷

魏光祖

陳應璧

浙江上虞
縣縣丞

王士登

谷傳聲

縣丞

山東齊
東縣丞

劉松年

于溥

鳳陽府
教授

朱大成

陳啟新

見仕績

田應斗

房厚康

見仕績

詳德義

王克讓

卜夢松

見仕績

陳自新

王用中

平陽府
訓導

陳一策

江西南昌府訓導

陳大章

楚雄府鄂嘉縣知縣

邵承宗

河南鄆城縣教諭

張國綱

高唐州同

陳明治

劉三輔

葛應夏

黃紹軫

吳振孫

布政司經歷

潘化鰲

恩貢

劉奮翀

恩貢

胡永寧

恩貢任虞城縣知縣後調蕭縣令

尤中規

州同

王士升

恩貢

孫光國

孝義

夏鶴算

拔貢授贊斛知縣

以上萬歷天啟崇禎年

皇朝

卜夢日

恩貢

于有駟

貢生

王立身

貢生

夏敘疇

拔貢

劉建中

歲貢

胡兆行

恩貢

谷汝秀

歲貢任無為州學正

胡宏

授知縣

劉三台

歲貢任巢縣訓導

葛天民

歲貢

夏顯煜

貢監任廣平縣知縣

劉三闡

考授州同

卜于京

貢監授布政司理問

谷我甲

貢監任雞澤縣知縣

房啟閣 見孝子

陳弘毅 恩貢

張東宿 歲貢任合肥縣訓導

范尙治 歲貢

夏則大 歲貢授寧國府南陵縣訓導

吳振聲 任寶應縣教諭拔貢

夏則久 由武生隨尙耿二王南征有功授化州知州坐陞高州府知府又陞

監軍

陳珩 歲貢

田培可 歲貢

史秉直 歲貢

劉三峽 歲貢

畢光陞

田數可 恩貢

盧邦楫

谷先甲 歲貢

孫長庚 州同

夏城 例監授縣丞

盧士觀 州同

丁世俊 歲貢

黃衷理 貢生

史藻 附監

孫澗 縣丞

海容泗 附監

盧邦棟 州同任蘭陽縣丞

田守一 湖廣長沙縣丞

陳棟 縣丞

卜于陞 授縣丞

翁繁 縣丞

朱廷賡 歲貢授教職

盧湛 州同任虞城縣丞

喬世楨 歲貢授教職

陳兆捷 州同

黃允恭 附監

陳人玉 以下考職州同

王 筍

陳元鑑

宋世標

盧邦模

陳象震

時之秀

陳兆麒

周 琮

胡其深

戴重甲

陳兆熊

林邦桓

鄭可傳

史從龍

朱 銓

朱 鈞

洪 潛

王兆鵬

史 全

時之類 附貢

戴萬士

谷麒甲 恩貢

劉彙秀

翁 藻 以下歲貢

陳元量

于克愛

陳 迺

史必麟

吳 鼎 附貢

于克威

陳 銳 增貢

畢雨化

包希堯 恩貢

李 閻 靈璧縣教諭

喬棧起 詳德義

田守愷 任穎州霍邱縣訓導

朱才鼎

王維屏 安慶府太湖縣訓導

謝逢春 詳德義

張翼經

劉國棟 南寧府上思州知州

劉侃

吳維寧 任徐州府沛縣訓導

陳斌 以下現在候選州同

陳元圭

張珪

張純

李莠

陳元會 拆合貞族中公舉為長

楊國珍

王正邦

熊存謙

劉裕學

王椿年

王瑞 候選州判

史夢龍 附貢

劉裕仁 附貢

李琦 俊秀貢

陳元善

李球 俊秀貢

陳敏萃

田英業 拔貢

田守謙 拔貢

劉方旂 以下現在歲貢候補訓導

喬阜起

謝鬯

畢試

田得試

熊存理 現任池州府建德縣教諭署縣事

盧煊 現任河南開封府蘭陽縣丞

劉兆元 現任揚州府甘泉縣主簿

陳元章 字煥文雍正元年拔貢乾隆元年知縣睦文煥奉

有保舉孝廉方正以六品頂帶榮身仍候召用

武進士

明

陳旺

劉江

皇清

史柱

劉潛

武舉

明

陳旺

劉江

卜呂徵

皇清

史柱

陳炤 康熙庚午科

劉岱 康熙癸巳科

劉弘信 康熙己酉科

鄉賢

德業顯於朝，白國士行誼修於鄉，則曰鄉賢。惟百世之師，故沒而可祭，建祠設主，禮數尊榮，皆

由大臣特疏欽奉。

俞旨者也。今更

勅建忠義祠尤見我

朝敦崇實行扶植宏綱超踰往古其向來已入鄉賢
祠者具載祀典惟查自昔迄今有當官著績美
彰仕籍孝義克修行孚閭里抱貞守素隱德堪
師積學充聞為文有本如斯種種懿軌芳型皆
望重一鄉而優入賢闕仍冠以鄉賢用見高山
仰止無非直道將俟論定可以叅座賢祠升馨
忠義庶敬體

朝廷正人心厚風俗之至意也志鄉賢

春秋

伍舉

見左傳史記舊在祠崇祀

伍員

事見左傳史記越絕等書在祠崇祀

明

雲霓

字時望貢生出身授福建布政司正
理問九年陞泉州府通判賦性廉謹

取與一介不苟署晉江縣民感恩德
立碑洛橋之下謝往歸足跡不履公
門壽至七十四耆年碩望合學呈舉
崇祀鄉賢

胡恩忠

進士任辰州府知府孝友宿成謙恭
素著屢戒子弟無干公事能睦族好
以節義詩禮訓迪後進入祠祀

朱仁

任教諭性孝方娶父賓病卽絕私室
供湯藥及父卒仁廬墓側單衣跣足
隆冬不易感有芝草生墓入祠祀

朱笈

字懋學進士與楊忠愍同榜授南京
戶部主事嘗彈齊庶人暴肆不報及
忠愍劾嚴嵩下獄故識不敢通問公
時餽慰之執政因出公爲口北僉事
仇鸞巡邊多不戢公繩以法拜僉都

御史擊賊累奏戰績回籍九年絕不
 干外事當路要公求之公曰進不以
 正吾不為也起撫寧夏移代雲中皆
 屢著邊功蒙賜賚褒以璽書轉山西
 凡三晉地靡不安堵瞿文懿稱其風
 稜峻整有撥亂反正之才曾登賀蘭
 山觀元昊故宮有韓范功名亦等閒
 之句其所拔多名將居鄉能救人之
 難不治田宅居舍湫隘所著有龍岡
 文集若干卷崇祀鄉賢

元

朱顯

至正年進士歷任山東廉訪使

明

孫坪

洪武年貢士歷任浙江道御史

宮準

洪武年貢士歷任四川道御史

王醇

洪武年貢士歷任工部主事

王恕

洪武年貢士歷任工部員外郎

盧敏

洪武年貢士歷任濟南府知府

雲衢

永樂中以舉人授浙江都司正斷事
奉旨領兵討賊却之復命後遂解組

歸閒居與御史孫坪太守盧敏考論
道德篤志力行一刻不懈咸稱老而
好學莫不敬憚焉

劉聰

永樂年舉人任東省博平縣訓導

王維善

宣德年以德行文章舉薦辟任山東

沂水縣知縣

王淵

景泰年舉人任河南鄆陵縣訓導

高明

天順年貢士任浙江蕭山縣知縣

劉鎮

天順乙卯舉人任浙江仙居縣知縣

盧梅

成化年貢士歷任高唐州知州

張寅

弘治年貢士歷任廣東韶州府推官

夏時興

正德年貢士任長壽縣知縣

胡金

正德年貢士任會同縣知縣

劉萬鎰

嘉靖年貢士任鄧州知州

胡奇

嘉靖年貢士任豐潤縣知縣

吳文獻

字傳予積學力行嘉靖年間選貢授
 廣西陽朔縣知縣居官廉潔以鯁直
 悖當事謫廣東連州僉判操持益堅
 提督浣洗厥事公帑外一無所私愈
 錚錚有廉明聲府道薦之陞本省漕
 遠衛經歷致仕歸兩袖清風其所以
 遺子孫者惟青緗而已

于浦

萬歷年貢士任安縣知縣

田應斗

萬歷年貢士任彌勒州知州

朱大成

萬歷年貢士任興縣知縣

王克讓

萬歷年貢士任通州同知多惠政人
 有老佛之號

周源

字騰芳貢生出身萬歷三十八年任

江西饒州府餘干縣令仁聞遍四境
人民戴德載餘干縣誌子命新三世
孫彬四世孫天成俱庠生五世孫郁
文增生六世孫弘緒榮緒俱廩生

盧士恒

貢監崇禎十六年授河南歸德府夏
邑縣兼屯田知縣有廉能聲後掛冠
歸隱

本朝順治八年

巡按秦

奉

旨訪地方人才特疏薦云文而兼武弘濟世臨戎之
才友以並慈樹敦倫賑乏之德居鄉
有望振國多奇順治十八年 漕撫
蔡 爲各屬勸賑事例復薦特用兩
經薦舉終高卧不出縣令姚沈二公
欽其德望兩舉太賓子長邦定次邦

棟

盧士泰

家居孝友邑令王之臣書額曰維邑

風化長子邦模効力河工多著勞績
河院齊 委任長垣縣丞赴任中途
病故贈賻儀以酬其功命邦模子煊
繼父効力河工 河院白 議叙以
州同改授河南蘭陽縣丞恭遇

單恩誥封一代

王曰富

號康之幼効力河工多著功績以干
總署本縣河營守備子正邦考職州

同

查舊志人物一冊列名二十有五內胡公思忠
朱公笈已入祠祀又吳君文獻王君克讓盧君
士恒各具事蹟其餘二十人者只記出身履任
而行實概無聞焉夫特目人物與俎豆諸儒同
班是必仕宦勞績卓然超出於儕伍如吳王盧
三君可証所以行實不脩者意其第據士民之
口碑傳頌而於後嗣家乘俱無考徵則今茲撰
述亦僅依前志以編錄末由添設一辭矣嗚呼

名猶在人事已莫考幸賴有志知其出身履任俾後人得仰溯風徽更歷久遠烏知不并其名與出身履任而泯滅耶志之修誠不容已者

以上仕績

劉江

明初取淮西伐偽吳克平江轉戰閩越繼征中原積有戰功由千戶歷陞中軍都督府僉事洪武二十五年卒
輟朝二日遣官諭祭喪葬所需皆官

給之禮從豐備見明開國功臣錄

朱銘

洪武元年以軍功授汝寧衛百戶歷陞遼東前衛左千戶沒於王事功載通紀曾孫誠襲副千戶征交趾陣亡
贈指揮僉事

以上勲階

張任兒

吳城鄉人母孟氏病篤救療不痊

持刀於脇下割肉為羹以奉母食既而病痊洪武二十五年旌表

張問行

問明兄弟三鄉黨稱為三善人好周樂助除錢糧衣食外無寸絲斗粟留孝行娛親有斑衣之風割股廬墓邑侯龔輿旌其門曰善孝性成更免田三頃

房啟閔

號君建歲貢士父卓然邑庠生母田氏父沒閔僅八歲弟啟閔五歲事母極孝長貫經史敦本睦族撫孤育寡扶持名教恭敬篤善與弟同居六十載齒德聞望為闔邑師表邑侯沈二萬公欽其道範常顧問其家兩舉大賓兄弟俱壽登八十子嚴吉食餼有聲

朱佐

廩生十八歲時母陳氏病篤佐籲天

求代刲股煎藥氏得不死復延壽三十年崇禎二年旌表額朱孝子

房嚴吉

字仲超父卽鄉賓啟閔也事親極得歡心父歿哀毀骨立思慕無已竟以過慟致疾年三十八而亡妻胡氏守節訓子弱冠遊庠邑令杜劉二公並有傳今錄杜公撰傳在藝文內

田富可

性篤孝兄弟二人兄家頗饒富可爭養其父晨昏省安否飲食必視以進父或以他故撓心多方勸解俟其容霽方已否則終夜不眠鄉里稱爲純孝

盧宗禮

幼失怙事孀母至孝母病祝天以身代旋愈未幾宗禮病且劇知不可起乃囑妻陳氏奉母撫孤並遺以詩內

重刊松洲縣志 卷之八
云我命不足惜母命重山斗後陳氏
以節著立坊

王國珍

父魁武早故母陳氏守節時國珍方
在襁褓家甚貧及長竭力養母母故
葬張家莊大道傍每過必備物以祭
祭必哭終身如一日邑人稱爲王孝
子

以上孝友

陳明治

號惺初歲貢生才華通敏試輒冠軍
文章德望爲闔邑師表崇禎十三年
大旱蝗食稻盡竭力控各憲以麥代
米桃民得甦其困常具三大不平揭
上於史閣部用其議世雖荒亂邑民
多所存活晚年韜光不仕好道自重
誦太上感應篇金剛經廣行善事重
交誼好賓客浮白釀飲林泉自適生

四子次日俞貢監生考授州同知餘
俱邑庠

陳日俞

號聖俞貢監生授州同才識明敏首
倡撥補之舉除民間養馬害遇水旱
則請蠲請賑公而忘私母所避忌喜
賓客重交遊撫弟遺孫慈愛性成施
藥救貧義聲載道五子長人玉國學
生季兆捷貢監考授州同餘俱邑庠

孫光國

貢監生義氣敢言自命在諸生時即
以天下為己任大元宰溫公司成楊
公銓曹龔公皆以國士期之後世亂
林泉高尙花竹詩酒以自適衍如也
聲華仕進一切不能動竟老

朱瑛

正統六年輸粟九百石得旨旌表

儲英

監生因本縣凋疲錢糧繁重不惜千金拯救又獨建啟聖祠修橋填路贍貧濟急不一而足妻王氏故守義不娶順治十六年邑侯鄭牧民旌其門

吳日宣

字常吉邑庠生慷慨尚義孝友性成兄日升早沒嫂李氏生一女苦志守節弟日新早歿婦劉氏生一子甫週歲與李氏甘心同守宣力成其志年

四十二卒子振聲甫七歲孤苦零丁妻陳氏徧歷艱辛朝夕舉宣之遺志涕泣以教後振聲力學應明經有子四皆英俊時人服陳氏能教而謂宣宜有其報云

盧士觀

父廷璧與兄廷玉同居八十餘年父歿觀年十七弟士太士晉士咸俱列膠庠同居歷五十年家政悉秉於觀

內外無間有蒲江鄭氏之風觀由庠生入太學授州同知分管河務有成績

葛耿

字守聞明嘉靖時儒士家本殷富甲於江南北曾助兵餉七十萬上嘉其忠義欽賜璽書尚義之門四字賜爵鴻臚寺少卿世居城北名葛家巷地由人重故係以姓也今葛氏族譜載耿之祖曾值歲荒普行賑饑邑宰特命其鄉曰恩福葛氏亦世美矣哉

陳珩

字南馨事繼母孝為人公正剛直好施與排難解紛族中推以為長年七十無病卒遺夢降乩云冥府授廣西江州城隍所言甚悉亦異事也子象元邑庠生

盧邦棟

貢監考授州同知改授河南開封府
蘭陽縣縣丞於康熙三十七年奉

旨終養回籍孝親睦族鄉黨咸以秉禮稱焉施義塚
於崗陵設義渡於三岔濟貧周急邑
有大事皆咨訪而行壽至六十五而

終生子四長汀以州同効力河工次
準次涵邑庠生次沛國學諸孫業儒

趙昇

邑崇河鄉人敦本務農事親孝三世

同居好善樂施又捐地為義塚雍正
八年大水人民漂溺昇置船入浪撈
救無數水退將船捨為義渡年近八
旬子孫皆賢士民樂其義舉公求書
各入志以勸任贖

周命新

字西郊官為省祭崇禎十三年賑本
邑貧民食糧五百石里人稱為善士

史承印

夫妻俱壽逾九十爲人好義樂施每
遇荒年輒出麥豆數百石周恤貧乏
他施衣助葬甚多子必麟歲貢其一
監生孫書烈邑庠生

熊廷常

儒士幼時至性過人居家孝友喜周
貧之賴以全活者不可勝計里中號
爲長者自 漕部院以下各給匾獎
其家子存理任建德教諭以 覃恩

封修職郎書香相繼善報蓋未艾云

周天成

字鳴九庠生行止端方謙和處世從
無一字入公門合邑稱爲長厚君子
壽至八十二歲

陳兆捷

字汝用考授州同知剛直好義邑數
遭水患人民失業提倡義控土獲邀
題豁老猶遣其子元善控免川澤

效靈案內浮糧其他捐施周濟善行
頗多邑人交口稱揚焉

孫 嶠

字又峯邑庠生髫齡失怙恃悲動隣
人長窮經史工書法好義急公邑被
水災輒請蠲請賑 題豁川澤効靈
一案重糧生與有力焉

宋士奐

國學生孝友克修公私咸濟間里稱

為端士新淤重糧一案首名呈豁人
尤不忘云弟士衡監生

丁啟玉

父應時早故事孀母孝母死啟玉絕
飲食者數日幾至滅性為人急公尙
義邑侯杜劉佟俱有旌匾

史必麟

雍正二年歲貢壽八十二康熙四十
八年邑水災麟典田十六頃買穀救

貧人有借貸悉焚其券不責償人咸感之

吳勝

明洪武貢士任河南永城縣教諭有童生陳德彰者貧不能讀書勝極力栽培後登科甲授本縣宰不忘舊德為之建坊今傳吳家牌坊是也

孫岐鳳

性孝友存心忠厚任王家集曾拾遺金百餘兩召其主而還之出買僕三人年饑煮粥三施義塚他若修廟濟厄善行不可枚舉邑令兩賜匾旌壽考令終一方雅望

曹炤

邑庠生為人好善樂施曾置義塚地十餘畝收養本族曹吉士攻書後得入泮子堂堅俱成名孫鉅亦列膠庠

袁茂翹

居家孝友行己端方好施捨樂周恤
康熙癸丑舉鄉飲大賓邑令獎其額
曰望重鄉評壽至八十生三子次模
季楷同年入泮楷復以孝聞曾割股
藥親楷子三次仲元季麟元亦入泮

王維屏

號渭叟丙戌歲貢爲人孝友端方曾
出己田以息族人之爭雍正元年邑
設賑廠太守知公正直委董其事民

沾實惠賜匾觀國之光後任太湖訓
導整躬率士修葺學宮人咸德之以
老歸所著有渭叟詩草藏於家

時景昌

庠生好施與鄉中賴以舉火者多人
曾於劉波澗建磚橋一座置義塚地
造廣福菴皆其遺舉也

房厚康

明萬歷間拔貢任山東東昌府學教

授有課士功詳東昌府志孝友傳家
子孫世守今五世孫世棟世桓一廩
生一附生

胡滄海

孝友無虧尤好施捨北門外龍王廟
及顏家莊大王廟皆其所修也子珠
百總

陳斌

字德儀品行端潔好善樂施捐修學

官泮橋可為邑望

顧文光

字長卿監生顧定國父生員顧汾之
祖也性孝友曾簽衛千總以父老不
就尤好扶危濟困宜興有胡姓者枉
累於訟賣女度日已定價立券文光
如直給之令歸女完聚其他類此甚
多

謝逢春

字木公康熙三十五年歲貢居家孝友處世端方邑中奉爲師範門人得列膠庠者七十餘人子鬯讀書自愛亦列明經

喬枝起

字子上康熙四十八年歲貢廉介白矢動守禮法士林咸楷模之

張永賢

崇河鄉人家積稍富好善樂施雍正八年大水民被冲漂蕩析離居朝不保暮永賢力爲拯救煮粥施綿存活甚衆其有死亡者給以棺木並不問其姓氏邑宰睦嘉其善行具以聞當道咸賜匾旌獎子國寶國學生亦能繼父志孫三長國學餘俱業儒

以上德義

湯福新

河南杞縣人元初徙山陽後遷本邑

赤鯉湖居積甚富淮安府及清河沐陽公署皆所創建邑令賈汝厲以海運糧戶逃追徵不竣代為償米五千石淮水泛溢清河以東盡受其害乃募人築堤四十里捍之患遂息後李羅鳩督各縣民開濬邳溝故道惟山陽不就復以米二千石助之天歷間歲饑賑粥兩淮之人多所全活以次子遵推恩贈奉訓大夫知寧海州事

湯通

洪武初沒編修李叔荆題其墓

福新長子中書省宣事

湯遵

福新次子脫脫南征遵傾家資接濟上大喜後為觀音奴下獄值歲旱御史賀任奏釋之大雨隨降歷陞淮安路總管

湯暹

重刊桃源縣志 卷之八
福新第四子淮安城被紅巾圍中外
隔絕二年糧餉已匱暹乃率義兵解
圍通運三萬石以濟之楮不花以聞
賜龍衣御酒

白汝純

字太素遼東明經初任鎮江府訓導
陞桃源教諭爲人淳厚剛果不吐不
茹凡教生徒先道德後文藝鼎革之
後不求仕進惟以課子孫爲務古希

之年卒於桃門下士聞之皆哭失聲
子二人沒於官邸孫天真養真培真
樂真皆文武之有聲者

以上流寓

盧湛

字濬深盧士恒子邦定之長子也康
熙年間由廩監考內閣纂修明史館
實錄精詩賦善書法修緝

關公誌書呈

御覽奉

旨頒行考授州同知歷効河工多著功蹟授歸德府
虞城縣丞子元鑄授淮安府裡河千
總於乾隆元年奉

覃恩誥封二代次子溥國學三子洵考授八品孫重
鎧庠生効力河工議叙加級紀錄

以上文學

王用中

字見升以貢士詣廷試時桃邑水旱

頻仍耆民赴京叩闈不能達用中單
身入文華殿具陳被喝逐用中勵聲
云昔丙吉問牛喘桃源數萬生靈朝
夕待斃曾不如牛喘乎卽脫柱欲自
碎其首大學士朱顧二公咸爲動色
遂入告奉旨特簡才幹甲科龔奭料
理疲邑清地減糧民得安堵上視學
太學生凡三千人遴選止十人給牙
牌在環橋前列用中與之大司成蔡

公喜延見各宿三千人中與斯席者
僅七人用中亦與焉後授別駕見所
在多事歸教子訓孫絕口不言時事
隱居永豐村卒

田養德

字仁齋素行醇謹資性敏捷讀書於
大聖橋遇異人授以道術因棄舉子
業隱於淮時人稱為市隱尤精於醫
別見方伎

朱士全

邑庠生戶部左侍郎笈之孫天資穎
悟學問淵通因亂世絕意仕進所著
有秋思草易戲編行世卒年八十

林松山

博學多聞尤工書草赴試主司愛其
文字延入內堂寫真草書十餘卷揭
於石邑人於興國寺中懸筆邀仙遲
久不降忽批云看林子筆下龍蛇使

人詢之果見松山乘酒作四季迴文
詩興酣落筆紙墨淋漓隱隱若有仙
氣燕子磯振衣千仞四字虎邱山虎
邱二字是其遺筆人獲片墨如拱璧
劉奮翀
字雉飛明季與明經選後樂道終身
日以詩酒爲事足跡不入城市所著
有同引堂集

以上隱逸

列女

自劉向撰傳因而史載賢媛美從一之貞著代
終之義堅逾金石重名義於倫常勁紕松筠全
志行於閨閣擬諸忠臣孝子並作完人縱令習
禮明詩祇期淑性雍正元年欽奉

恩詔婦人守節踰十五年者並許彙

題旌獎四年又奉

旨建立節孝祠仰見

朝廷慎修倫紀獎勵冰霜今茲修志凡在窮鄉僻壤

苦志青閨咸得列名以維風化志列女

冀氏

魏剛妻氏年二十八夫故撫子弘守節卒

胡氏

劉昂妻氏年二十四夫故子三歲守節應
八十九歲終

胡氏

莊尙年妻二十九歲夫故氏號泣絕飲食
祈死親戚防衛甚嚴守節而終

朱氏

庠生胡整妻年二十五夫故姑年五十子
襁褓守節事姑以孝聞七十八歲終

朱氏

尹謙妻年三十夫故守節遭亂不爲賊所
辱

倪氏

庠生陳繡妻年二十四夫故撫子表守節
嘉靖十一年邑侯光澤書貞節二字旌之

莊氏

庠生示麟妻年二十二夫故撫子守節

金氏

劉連妻年二十五夫故痛哭三日卒

潘氏

審理劉萬川妻善事舅姑素以孝敬稱年六十歲姑已登八十餘有恙氏爲榻於左側躬調湯藥晨昏無間隆慶六年邑侯曾夔旌曰敬事舅姑八十餘終

鄭氏

陳鴛妻年二十五夫故守節壽登百歲

華氏

庠生喬宦妻年二十二夫故赤貧女工資生寒夜無被卧温灰中母憐女苦欲奪其志截髮以示遂免年七十五終

夏氏

廩生易惟和妻年二十四夫故家貧日勤女工教育幼子卓然成名及長能孝事母

壽登七十四歲成稱貞節之報邑侯喬光
顧旌曰美繼丸熊

房氏

庠生朱德純妻年二十一夫故無子家貧
無依回母家同孀嫂夏氏共勉守節同撫
外姪成立壽登七十乃終邑侯陶安齡書
坤元正氣四字旌之

張氏

劉葵妻年二十八夫故守節生一女適却

輅早亡女二十一歲亦守節邑侯曾夔旌
曰母子永操

沈氏

庠生王慶妻年二十八夫故守節至六十
二終

俞氏

省祭劉喬妻年二十六夫故撫子三章三
台守節年七十三歲終三章繼室朱氏年
二十歲撫遺腹子朝典守節朝典妻葛氏

年二十八歲夫故撫子宜中和申守節三世俱蒙旌獎

浦氏

劉崇德妻年二十四夫故撫子兒粹保粹

守節崇禎元年邑侯陶安齡獎曰栢舟真

韻

吳氏

庠生葛正謨妻年二十七夫故撫子天鶴

守節邑侯陶安齡獎曰節毓馨祥

田氏

庠生房卓然妻年二十四夫故撫子啟閔

守節邑侯陶安齡獎曰芳追畫荻

陳氏

孝子劉曉妻年二十八夫故撫子守節年

七十五終

趙氏

劉昭妻年二十九夫故守節年七十二終

張氏

庠生王家棟妻年二十四夫故撫子弼守節賦性嚴謹持家有則弼尤承事無違順治五年邑侯符永年獎曰節孝兩全

胡氏

陳性善妻年十八歲夫故無子守節崇禎末年流賊猝至群擁上馬氏自奮墮地抓面流血罵不絕口賊怒碎其屍而去

朱氏

吏員葛一麟妻崇禎十七年遭李賊猖獗

避亂程子河見賊逼舟自恐以色累夫先自縊死

朱氏

經歷劉栢年妻年二十八夫故撫子三闈甫三月守節學院李嵩陽獎曰幕府芳閨

邵氏

臧調元妻年三十三夫故撫幼子允守節時姑年七十子在襁褓氏奉姑終身教子成立卒年六十四

徐氏

史逢克妻年十七夫故撫幼子麟筆守節兼撫夫幼弟秉直苦供讀書勸教多方後俱成名學院李嵩陽獎曰冰操性植巡按府縣俱有旌額

朱氏

劉天德妻年二十七夫故守節年七十一終

王氏

葛天申妻年二十七夫故率妾顏氏年二十共誓守節值子灝等年幼內無資助外苦差徭艱辛備嘗焉

吳氏

庠生劉裴繼室年二十五夫故守節前妻浦氏生二女吳生一女長適庠生田毓秀年二十五夫故撫幼子民章甫二歲守節季適儒童吳日新年十八生一子振偉週歲夫故貧苦針紉度日親子姪罕見其面

母子三節尤足風焉

李氏

儒童吳日升妻年二十生一女夫故甘心
守志與夫弟日新妻劉氏共勵冰霜時稱
一門雙節

戴氏

畢文揚妻年二十一無子夫病將革猶昏
兩目視氏氏曰公姑年老無人奉養而憂
氏嫁也誓不負君日遂瞑如其言守節生

事死葬皆盡禮焉學院張獎曰克成夫志

王氏

武舉卜呂徵妻年二十五夫故撫子于宸
守節終

胡氏

卜說徵妻年二十五夫故撫子于階守節
終

王氏

庠生儲磐妻年二十四夫故守節舅年七

十子允棋甫三歲事老撫幼無不備至

朱氏

劉大奎妻年二十八夫故撫遺孤守節終

身

張氏

庠生夏自錦妻年二十二夫故教子守節

子允甲由國學任陝西榆林衛奉政大夫

陞山東濟南府叅軍李賊亂自投於火家

人救出已焦頭爛面每夜見白鬚老人食

之曰忠固爾分但爾尚有母在家上帝命

我食爾以此越七日愈後歸養母以孝終

年九十一緣張聞變時曾禱於天亦有夢

徵一子烜庠生邑侯龔與請學院施公弘

謨獎曰勁節凌霜

畢氏

沈白玉妻年十九夫故上有衰祖及公姑

下有夫弟與幼子老幼無依內外莫助氏

卽以此自誓曰此氏之責也艱辛備歷厥

志不移後事老撫幼均賴有濟焉邑侯沈
獎曰節孝可風

王 氏

曹九苞妻年二十夫故家無斗筲親無期
功氏勤於針紝飲水茹荼撫育遺孤自矢
靡他邑侯沈獎曰婺曜流芳

葛 氏

庠生李應思妻年十八夫故往弔自留守
節

裴 氏

孫榮國妻年二十一家貧夫故期以身殉
家人不從尋經於側

王 氏

庠生葛芬妻年二十八夫故守節終身

陳 氏

劉起法妻年二十三夫故子幼甘心守節

王 氏

廩生夏錫疇妻年二十七家貧夫故無子

斷髮守節抱三歲幼姪爲子家無生產以
織紝度日

周氏

王介藩妻家貧夫故年僅十九生二子孫
發孫蘭尙在襁褓後皆成立以節終介藩
子天佑妻陳氏夫故亦以節著

謝氏

卬履端妻年二十八夫故撫子一麟等守
節終

朱氏

潘躍龍妻年二十二夫故守節舅姑年老
其子應方離襁褓遭戚里凋殘族人攢擠
逐其子爲僧逼氏改節氏以死自守邑侯
葛憫其節准子還俗獎曰冰操玉節

尹氏

年十七爲廩生田際可繼室三載夫故氏
撫育前出幼子如己出苦節五十四年卒

范氏

徐必達妻年五十四父桂無子老年病危
氏割股以進得延二載

陳氏

庠生陳弘緒女年十四痛母先亡父病篤
割股爲羹得不死適生員朱覺爲妻

高氏

朱士一妻年四十九母年七十九病昏曠
半月氏割肉以進遂愈

劉氏

廩生朱正嗣妻年二十一夫故守節撫子
民章後入泮增廣生曾孫玉瓚廩生玉璘
附生五世孫鈞附監考授州同鏞郡附生
銓附監考授州同鏞附生六世孫治監生
開祥郡附生開文廩生一門書香不絕云

胡氏

楊國昌妻年二十六夫故守節年六十九
歲卒

孫氏

畢九行妻年十九夫故家貧織紡教子景
聚入泮邑侯沈匾曰荻影霜清孫抃亦入
泮

尤氏

蔣筠孫妻夫病十餘載勤侍湯藥家貧掘
野菜充饑及夫故募棺以葬尋自縊知縣
蕭文蔚判曰此天生貞性之人不可以尋
常測十載病郎固不可以情論一筐野菜
尤不可以勢嘗募棺而葬貧可知也乃復
自縊貞哉亦烈哉

陳氏

庠生葛筠生妻夫亡無嗣過其二伯子存
祀以節終

葛氏

陳曰良妻夫亡年二十二教子兆熊有成
以節著

田氏

谷昌甲妻夫亡氏守其二子雖遭水患日

不舉火未嘗求給於親戚鄉里重之

稽氏

庠生喬永楨妻夫故氏教其二子大年標起同年入泮可謂繼夫志

田氏

陳天培妻夫少故氏守節教其子極孫璣俱入泮年近八十而終知縣葉匾曰孤貞可古

陳氏

孝子張問明媳佳昌妻夫亡氏年三十四事八十老翁姑撫髻年三幼子以孝慈著長子予乾入國學授州同餘庠生匾曰賢節流芳

司氏

庠生沈登俊妻夫故無嗣兼家貧能以孤節終

楊氏

係山陽進士楊才瑰胞姊為李應斗妻年

三十夫故苦節撫幼年八十有三知縣蕭
文蔚匾曰壽共節高

王氏

庠生葛湘妻年十八夫故氏守節撫幼子
至五十八終

陳氏

上虞知縣白長庚妻涖任時寇發長庚與
其弟應庚竭力守禦無援兄弟俱一時殉
難陳甫年二十姑老子幼人皆以爲苦民

甘守節五十餘年子三長季庠生孫十八
曾孫二繪袞繪鼎庠生餘皆業儒

彭氏

叅將白應庚妻夫隨兄任戰歿氏時年二
十聞訃遂絕飲食及七日翁姑勸之乃誓
志守節直登古稀無疾終子繼茂國學生
孫四繪黻庠生餘業儒知縣蕭文蔚判曰
兄弟相死妯娌相守自是夫遭天地間之
至苦妻守人倫內之大綱兩家皆子孫繩

繩反成後來之美談矣

呂氏

劉之良妻年二十甘貧守節

謝氏

庠生盧邦定妻年二十二夫沒前子湛幼

稚遺于二溥方週歲洵尚在腹氏堅志守

節撫養無二事繼姑以盡孝訓前子以成

名苦節冰霜內外無間

康熙十年奉

旨建坊

田氏

庠生胡寅妻年十六夫亡無子矢志守節

以死自誓抱幼姪胡璋育為己子後璋亦

入泮不幸早歿遺一子一女女適張姓子

玉柱國學生張壻亦早歿女無依歸母夏

氏三孀共處一室俱以壽終洵可傳也

葛氏

陳朝欽妻夫亡遺有二子家貧以針工度

日六年遭蝗災翁父勸之改適隨自縊邑令蕭文蔚匾以貞烈可風

異氏

張世績妻順治九年夫故遺子天全方五月苦志守節撫孤成立邑令吳世貢申旌匾額冰玉懷清

葛氏

儒童谷爾芝妻年十八夫故守節孝翁姑撫遺腹子成立邑侯萬贈匾曰節凜冰霜

葛氏

儒童王國鼎妻年二十夫忽病危氏祝告天剖肉救夫病果愈又三年鼎故遺二子方數齡家貧善奉翁姑撫幼子大知大年俱成立後邑侯龔真旌獎曰貞節慈孝

李氏

葛幼墜妻夫故年二十八歲家貧子幼歷遭水荒饑寒備受甘心苦節撫幼子佩璋教以成人邑侯杜學林旌匾曰全貞啟後

蔡氏

邑人王拂蘭妻氏年二十夫故家貧守節
饑寒備受撫幼子元燦成立邑侯杜學林
旌匾曰苦節可風

劉氏

邑民劉士凡女陳該秉繼妻年二十四夫
沒氏矢志守節事翁姑養生殯葬以禮教
夫前妻子森膺邑內雅譽己子璠亦早列
宮墻更有異者氏母舊櫻廢疾因河決房

冲漂入洪流氏聞號慟急覓舟奔救欲投
身波濤抱出忽旋風送舟直到母漂之處
手挽而起人咸驚為孝感所致云康熙三
十六年 督院范 彙 題奉

旌表

胡氏

廩生房嚴吉元配嚴吉父房啟闕孝子也
嚴吉因父喪哀毀致疾胡氏朝夕叩天願
以身代卒不能起遂守節訓子弱冠遊庠

嚴吉孝以繼孝氏能以節配孝為一門盛事知縣杜學林劉夢禎為之立傳

陳氏

儒童盧宗禮妻年二十六夫故上有九旬

孀姑下遺周齡弱息氏守志不移孝養撫

育歷四十年子盧瑄今成立雍正九年詳

奉 督憲 會題奉

旨旌表

王氏

陳朝鼎妻年十七夫故號泣將殉因有遺

腹姑勸止及產為女又欲捐生姑乃議立

陳朝選之子過為嗣家徒四壁紡績養姑

姑病臥第四十餘日守進湯液目不交睫

告神祈代病尋愈姑終喪盡禮前令杜

公為立額雍正五年 督院范 彙題奉

旨旌表

王氏

庠生陳璠妻璠母劉氏即康熙三十六年

旌表貞節者也璠故氏哀痛欲殉因孀姑無人侍奉

賜坊尙未建謂子舒泰曰汝力成父志卽所以孝我也至康熙五十年坊始告成於雍正七年命子舒泰呈免川澤效靈一案重糧人感其惠姑年九十七終氏思慕不已亦卒節姑孝婦又承以節洵不可多得云

黃氏

沐陽生員黃越女邑民劉毓瑄妻也年二十五夫故翁姑在堂幼子瀏纔二歲氏冰霜自守養老育孤咸盡其道瀏年十九入庠氏卒人皆稱氏節孝焉

周氏

庠生夏人傑妻年二十孀居子宗哲甫八月公姑俱亡一婦並舉三喪義方訓子後入泮六十壽終

丁氏

生員馬有麟妻清河縣生員丁燇之女二

十三歲無子守節奉孀姑貧苦不懈

劉氏 里人周篤美妻年十九守節公姑老病養生送死兩無遺恨

莊氏 里人周標妻年二十四夫故撫孤有義方

事公姑孝閭里稱之

劉氏

貢生李琦繼母年二十九守節時琦甫七

歲琦弟瑄義俱在襁褓氏教之成立

陳氏

州同盧汀元配年二十七夫亡撫幼子方四齡事姑孝喪葬悉以禮內外無間

陳氏

邑民胡玉藻妻玉藻早故氏苦志守節鄉里咸稱邑宰睦 詳俟 旌獎學博孫廷

鐸美以詩曰志與秋霜潔心同朗月清看來節孝重不朽是芳名邑訓張兆登詩云

不讀栢舟句節貞自擅竒笑他絃誦者何似一孤嫠

杜氏

邑民武士強妻監生武天篤母夫故守節事公姑養生送死並以孝稱訓子義方安分無過爲一鄉所重

許氏

徐昉妻夫故時年二十八歲長子行甫三歲次尙未週氏以守節自誓事老姑能盡

禮現年七十四歲子俱成立

海氏

生員胡聖寧媳兆倫之妻也家甚貧夫故無子繼以姪苦節自勵人以爲難

劉氏

貢生時之穎妻夫故時氏年二十八歲泣血絕食者七日欲從地下親隣以幼子無撫苦勸始解守節二十七載子鳳儀國學鳳來業儒

姜氏

薛士虞妻年二十七士虞亡遺一子一女不幸俱歿時有欲奪其節者氏以死自誓年近八十前方令獎以匾曰栢節松齡

孫氏

吳城鄉民吳從禮妻年二十七夫故生子廷彩方週歲家無斗筲矢志守節以壽終

趙氏

定里民周加光爲妻未娶加光病故氏往弔送至墓所歸赴淒家誓死靡他飲冰茹荼面目憔悴孝孀姑貞節可嘉

張氏

幼嫻姆訓長盡婦儀夫死守節歷久不易州同時之秀妻監生張雲九之女也

楊氏

陳之遇妻遇歿氏年十九遺子象祖甫兩月氏苦志守節五十二歲終

陳氏

生員谷齡孫妻年二十八歲守節壽七十子如賓氏教之成人

胡氏

夫邑民王大武故無子時氏年二十五歲煢煢孤孀能以節終不可沒也

吳氏

住山陽以孝稱康熙三十年家被大盜黑夜排闥入時夫遠出擒其姑以刃加於頸氏給曰爾欲金錢皆我掌之此隣姑與伊

無涉盜遂釋姑而執氏刃傷其左腿山令聞之獎以額曰淮濱孝婦夫病刲股和藥願以身代尋愈卽國學生楊斌也子光翰邑廩生

陳氏

監生周漢妻于秉懿庠生年二十八夫故懿年六歲氏甘貧守節事舅姑以孝教子義方康熙六十一年闈學公呈請旌時督學院鄭給以匾曰節孝賢慈

胡氏

邑把總胡起奉女許配生員卜無忌子卜鐸為妻未娶起奉無忌物故鐸貧不能自存生理泗州旋削髮為僧遂寫休書並髮辮寄回與氏親屬令改嫁氏知絕飲食自縊死康熙五十三年四月初一日也後公請旌獎前田令牒學有案分府王給額
捐生全節墓九里崗黃河北岸

胡氏

父文仲幼許定徐天祐次子彩為妻年二十一未婚配彩故氏臨其喪哭泣盡哀送葬歸即絕飲食旋縊死門祚衰微無人請旌闕典也

王氏

邑民谷爾助妻年二十五守節上有年邁翁姑下有二週弱息孝慈並著鄉里稱之

孫氏

邑庠生孫猶龍女嫁尤姓為妻年二十三

夫亡有遺腹子後亦早世止存孤孫氏乞食撫養諸苦備嘗八十二歲終今棺猶暴露孫亦乞食不能葬吁亦窮矣哉

劉氏

庠生王維后妻子鍊亦入泮氏守節三十
九載教子成名邑宰睦詳俟 旌表

葛氏

夫史全國學生故時氏年二十九歲屬志
冰霜翁史秉直貢生姑陳氏俱能以孝事

生子三悉成立年七十四壽終現詳旌獎

胡氏

薛弘綱妻生員薛苑之母也年二十六夫
故無出繼侄苑延師訓誨事老姑生養死
葬皆從紡績中來前邑令薛獎以詩

沈氏

年二十一夫張翹病亡公姑年俱六旬生
子其旂甫數月以節自矢後公姑相繼歿
殯送盡禮子入泮杜令額曰節孝流芳

趙氏

丁潛美妻生員趙明正女年二十四夫故欲從地下因有老姑存後姑病危氏禱天願以身代旋愈現在詳請旌表

李氏

節比冰霜捺逾金石夫故無子每欲絕粒後承繼以奉先祀年五十八詳請旌表夫邑民倪三汲也

王氏

生員胡始生妻始生病氏割肉調藥以進血流滿地昏絕復甦夫病尋愈越一年卒止遺一女亦夭氏零丁孤苦能以節終始天性也乾隆二年詳請候旌表

潘氏

劉盡穀妻于歸未幾孀姑及夫並病氏典盡釵珥延醫調治後相繼歿遺腹一女營墓後賣市房移居鄉莊近墓所也守節終身乾隆二年邑宰睦詳候旌表

張氏

傅斌徠妻年二十六夫亡遺一子氏不欲
生竟投繯姑見而喻之後姑亡氏哀毀骨
立撫其遺女教養婚嫁悉出已力又私托
人爲翁娶繼室以侍老翁病篤口思鮮物
甚急氏背割股肉爲羹以進病旋愈至今
疤痕猶存既翁歿氏營墓於墓旁爲茅屋
三間僅蔽風雨挈子居焉越三年始歸子
今成立嗟乎有婦如此雖讀書鬚眉講仁

論義恐未易及乾隆二年邑宰睦 詳請

旌表

錢氏

夫袁三魁國學生故時氏年二十一歲生
子越甫三齡立志守節終始不渝

姜氏

父母無子幼養曹文科爲壻稍長未婚文
科私挑氏氏以禮拒之文科怒遂與之訣
出外數載不歸父母欲改適人氏不從委

曲求歸曹姓以守夫後夫仍不歸翁姑旋復老歿止一小叔不能養氏遂搭茅棚於姑墓前拾草營生兩次遭水漂流俱賴一木以生現今六十五歲鄉人爲之請匾因額曰節貞白璧

程氏

熊體元妻年二十一守節無子繼族中幼侄教以成人事老姑尤極孝謹現年六旬

葛氏

夫薛耄齡早亡遺子珮甚幼且上有老母氏以身任之守節八十年無疾壽終

孫氏

莊德華妻德華歿氏年二十七歲遺二子俱幼苦志守節事翁姑孝孫錦開庠生

徐氏

適張守敬爲妻事姑王氏最孝姑病曾割股救甦崇禎壬申邑侯龔獎以額曰割股至孝累世書香俱能安分守己皆氏訓也

許氏

周文進妻年二十五守節孝奉兩代翁姑撫弱子姪並得成立現年六十歲

張氏

邑庠生陳仍妻夫歿無子家計甚貧氏苦志守節現年六十三歲過嗣一孫名象延

叢氏

夫楊士美家貧早逝氏矢志靡他養老育孤垂五十餘載前令劉匾以松貞露肅

周氏

年二十三守節現今七十六歲事翁姑孝訓子義方夫沈邦俊子謙庠生

谷氏

生員陳之迅妻夫歿年二十九有遺腹未產囑其家一老嫗曰若生女為我撫之我當從夫於地耳矣後幸生男遂以節終

陳氏

邵讓妻讓亡氏年二十七歲遺一子甫三

齡氏守節撫孤歷四十四年

李氏

志矢栢舟訓留荻葉三旬未過甘作無天
之人二子方週能延不死之後生員聖範
其夫庠生張翼卽其翁也

程氏

鮑炘妻年二十八守節一貧如洗女工營
生壽登八十八歲真不愧貞壽云

周氏

紀貴妻夫死遺子方三歲後子亦早亡止
一孫女氏事翁姑極孝謹能以節終

陳氏

適王瓘爲妻未嫁時事父母極孝夫歿絕
飲食者數日因姑以有子女勸始解後子
女相繼歿姑亦歿煢煢一孀實爲苦節

房氏

孝子房嚴吉妹生員劉兆熊妻夫故長子
孟魁甫七歲季子方旂甫四歲氏孝事翁

姑教二子俱成名人嘖嘖稱之

邢氏

生員邢述子女適劉兆發為妻夫亡氏年二十三歲鋤田拾草以養姑姑病篤氏割股食之得愈撫子成立今已抱孫矣

畢氏

劉仁妻夫亡氏年二十八歲茹貧守節事老育幼罔弗周現今年六十四歲

漕氏

夫曹繼志早歿遺母七旬子纔五歲時有欲奪其節者氏避於母家後子成立始歸脩嘗艱苦孫三昭與天祥入庠

吳氏

生員吳優女適王芳烈為妻入門時上奉兩代孀姑悉盡禮既芳烈亦早世遺子承祖方在襁褓中氏以節自勵治家嚴肅令子成立入國學

張氏

趙麟妻生員張翼之女也夫亡守節撫二子俱成立歷三十餘年皆如一日

李氏

房家駱妻年二十六夫亡遺腹一子苦志守節壽七十七歲

尤氏

生員莊調妻子遐齡亦入泮年二十八守節婦兼子職孝事孀姑母代父功義成嗣續邑令劉獎以一門雙節

汪氏

生員王際運女適監生張元祺為妻夫亡無子苦節自飭越十餘年始繼幼姪為嗣年今六十子亦成立

江氏

生員劉中秀妻年二十三夫故守節竭力訓子後子乾志入庠氏年至七十歲

朱氏

生員朱鏞女適劉進思為妻夫亡遺一子

甫四歲亦夭亡有勸其改適者氏以死自誓後堂伯兄學詩憐其志以子繼之

劉氏

邑庠生王永平妻夫故守節歷四十三年艱辛備嘗終始不渝

徐氏

邑民印相妻年二十于歸越三年夫病無子氏割股食之卒不愈遂歿氏伏棺哭泣暈而復甦者數矣勺水不進竟懸梁於棺

側邑人哀之存此以待旌表

甯氏

謝大定妻年二十九守節現年六十三歲子二俱成立

翟氏

夫王鏐二十夭亡時氏年十九有子一週上事翁姑養送備至計今守節四十一年

谷氏

生員王璣妻年二十五守節有子尙未及

週甘貧自力養老育幼兩無遺憾

盧氏

邑貢監王鳴玉妻蘭陽縣丞盧邦棟之女也夫歿守節諸事盡禮恤貧周困治家儉勤邑侯吳匾曰節孝可風子三二遊庠一國學

張氏

邢繼美妻年二十六夫故生子三長維祚次煥然季維邦俱幼氏矢志守節撫之成

立後煥然維邦亦相繼早亡遺室湯氏莊氏均能以姑之節為節邑侯田匾曰一門

三節

孟氏

吳山祖母年二十五守節生子一後亦亡媳陳氏與姑共勵冰霜邑侯劉曾匾曰節同皎月

王氏

鄭國善妻年二十九守節歷今五十餘年

淮徐道呂 河庫道張 河南道佟 俱
獎有匾額邑令睦 額曰壺範長瞻

方氏

孫應鳳妻年二十九守節子之秀氏撫之
成立邑侯田匾曰節比松筠

王氏

生員陳兆鶴妻兆鶴亡氏年二十二歲止
一女誓死從一繼伯子元幹為嗣後亦天
又繼其孫承熙今入泮氏年七十二歲邑

侯王詳奉督學使者法 匾曰貞節可風

劉氏

夫候選州同陳元量早世氏年二十五歲
事公姑睦妯娌訓子嗣皆可稱今二子俱
入泮

陳氏

生員劉兆豐妻年二十六歲守節勤織紡
以事孀姑擇良師而訓二子歷四十年以
六十六歲終

胡氏

沐陽故吏部左堂胡公簡政妹年二十一
許邑廩生劉謙為妻未字謙歿氏聞訃即
絕食其母防之密不得間復進食如故越
四日自縊死詳奉督學張公榕端旌額曰
舍生從一

胡氏

生員朱玉瑛妻明拔貢授知縣胡宏之女
也年二十七守節撫子鏞讀書成立後入

泮

胡氏

夫朱玉瓚廩生玉瓚歿氏年二十三歲事
姑孝撫幼子鎬成名邑侯杜匾以貞孝賢
慈

夏氏

陳星水妻年二十一守節時生子方兩週
氏維持家政教訓子孫頗有丈夫風

許氏

例監生胡其深妻年二十二守節有姑胡氏出字王楚南亦早亡氏年十九姑嫂共
以節自勵

劉氏

州吏目王必擢妻年二十三夫染重恙氏
籲天求代並割股救療尋愈越六年歿氏
矢志守節教子義方後子錮鉞俱入泮

方氏

夫王猷歿氏年二十六止二女氏苦志守

節孝事翁姑撫小叔獻成人年今六十九
歲

姚氏

生員牛彩麟繼室二十三歲夫亡無出撫
前妻子不啻已生守節五十餘年

葛氏

年二十五守節撫子甫三歲公姑亡殯墓
皆出氏力夫王姓禹甸其名也

王氏

增廣生吳維均妻生員王範之女也廿齡
守節子復天亡翁姑老病氏鬻髮延醫喪
葬俱能盡禮後繼姪爲嗣

劉氏

幼嫻姆訓少勵節貞撫孤子以成名歷清
貧而周際生員王秉之母歲貢生劉侃之
女也

張氏

夫死守節年僅二十生子觀澄甫三月氏

袁氏

廿貧撫孤歷五十餘年壽至七十五歲

駱九紹妻年十九夫亡生子一亦天撫幼
女守節孝事翁姑

田氏

盧邦梓妻氏過門時值翁與夫均病氏竭
蹶調治後夫亡無出氏年二十六歲守節
四十四年而卒

姜氏

年二十六守節家徒四壁撫兩歲孤子成立且孝事翁姑邑民陳之家其夫也

王氏

氏夫徐君卿物故時氏年二十七歲生子方三週苦志守節現今六十九歲

孫氏

年十七適盧邦極爲妻越一年夫亡無出氏甘心守節繼姪爲嗣後入泮

劉氏

邑民劉文生女許配王啟爲妻年十八未字鄰人吳斌窺氏少艾欲淫者久矣不得聞時乘父母俱外出氏閉戶針黹斌遂以討火爲由推門入圖姦氏不從斌抽腰間刃嚇之氏益激烈詈罵聲達戶外鄰人救之得脫後父母歸氏以其情哭訴父母寬喻之因赴吳斌家與之論辯及歸而氏已懸梁氣絕矣余具其事報於上得叨

題旌坊曰貞烈斌服纓首

賢母

遐溯孟陶代有盛軌而柳母丸熊歐母畫荻致
哲嗣成名以鉅儒而躋顯仕斯其最著已是以
陰教克修翼貽實助乎嚴訓聞師垂範俊彥更
起於昌時詎可忽諸志賢母

張氏

河南歸德府夏邑縣令盧士恒之繼配本
邑庠生從禮女合肥訓導東宿妹也氏于
歸后孝翁姑相夫子撫夫前配尤氏遺孤

邦定及已出邦棟後邦定不祿繼媳謝氏
生子甫二齡季未脫腹氏委曲調護俾謝
氏得堅金石苦志寒燈二十餘年已蒙
旌表建坊氏復以訓子不訓孫長孫湛前媳田氏出
早入泮次食廩餼入成均選錄史館候補
諸孫咸業儒皆庭階玉樹也子邦棟已詳
名宦皆氏孝慈所至云

仙釋 方技附

道術之事驚世炫俗儒者弗尚然烏飛王喬之

鳧酒喫樂巴之火人於宇宙亦何所不備存之以識遺蹟志仙釋

劉真君 本縣人任崔鎮劉家莊有道行逢麥秋莊人請真君於家開場必無暴雨之患及觀其家仍有真君在焉後棄家入東嶽廟焚修數十年未常少懈一日蟬脫廟中墓於廟側其墓四面皆水水長墓亦長宋勅賜通天徹地真君因立廟祀之邑中遇大旱虔禱之甘霖必降傳在藝文內

田養德 號仁濟讀書於大聖橋除夕遇異人授以修煉之法併海外竒方因精於醫起死回生大江南北所活幾萬人

曹淨曉 太平觀道士一日忽莫知所往後有人遊雲臺山至後岩恍惚間石壁有洞道士坐其中旁有虎蹲焉駭叫遂絕跡不見壽考

洪範五福一曰壽人稟木德則有斯徵此天所錫也我

聖朝仁宇遐周躋群生於壽域是以享康寧無疾札
承天錫福其休徵豈有量哉近直省舉壽生及
民入奏奉

恩詔給以頂帶榮身亦異數也謹編於冊以驗太平
嘉瑞云志壽耆

八品頂帶生

白繪鼎 邑庠生恩福鄉人年八十

薛允嘉 邑庠生吳城鄉人年八十

莊璐 國學生崇河鄉人年八十七歲

葛虬生 邑庠生恩福鄉人年八十六歲

王際蓮 邑庠生陸城鄉人年八十四歲

劉安國 邑庠生崇河鄉人年八十一歲

于通寧 邑庠生順德鄉人年八十三歲

潘如江 武生崇河鄉人年八十七歲

王經天 邑庠生順德鄉人年八十三歲

八品頂帶民

王誥 崇河鄉人年八十

李大器 崇河鄉人年九十

夏全忠

陸城鄉人年八十二歲

孫文綱

恩福鄉人年九十

朱有坊

恩福鄉人年八十

吳志忠

吳城鄉人年八十一歲

謝天榮

恩福鄉人年八十二歲

王鏡

恩福鄉人年八十四歲

王鳴岐

崇河鄉人年八十四歲

劉敷政

崇河鄉人年八十歲

壽婦

周馮氏

邑民周有德之妻年一百一十二歲

朱曾氏

邑民朱羽和之妻年一百一十二歲

以上二名於乾隆二年知縣睦文煥同時具詳

江撫顧具

題奉

旨照例加倍賞賜各給銀六十兩聽本家自立牌坊
仍加恩賞給緞二疋銀二十兩欽此

重修桃源縣志卷之八



